

清季外交史

卷一百一十一至一百一十二

弟

五

十

七

期

清季外交史料卷一百十一

光緒二十一年四月中

目錄

全權大臣李鴻章致總署緩准日約各國外部未明言難爲確據仍

宜暫行批換電

四月初八日

道員易順鼎奏醜虜跳梁不宜遷就權奸誤國不可姑容請罷和議

疏

四月初八日

使俄許景澄致總署報俄欲貸我款償日費並俄主意尙相近電二

件

初九日

臺撫唐景崧致總署臺之存亡視批約准否乞密示消息電

初九日

江督劉坤一致軍務處和議不成日必犯京畿及遼瀋已會商宋慶

妥爲布置電 附旨初九日

總署致李鴻章希刊給伍廷芳等換約關防電 初九日

張之洞陳寶泉譚繼洵德馨李秉衡唐景崧張聯桂等致總署報日

事各國商有辦法電 初十日

全權大臣李鴻章致總署派員赴煙換約官職須與日相等免其駁

回電 初十日

全權大臣李鴻章致總署報俄所主張日廷決力拒電 初十日

署江督張之洞奏俄派戰船多艘赴煙明係俟換約後向日索遼備

與英戰日必不敢與俄爭遼電 初十日

全權大臣李鴻章致總署伍廷芳等關防已照刊擬令科士達赴煙

臺襄助電

初十日

換約大臣伍廷芳致總署報領到關防即往煙臺電

初十日

盛京將軍裕祿奏據海城紳民稟稱不忍置身化外電

初十日

裕祿長順恩澤依克唐阿定安濟祿富爾丹李培元等致總署將士

奮發可與力戰萬勿允和電

初十日

全權大臣李鴻章致總署德璀琳稟互換和約三國仍須費力因日

說明仍可商改電

十一日

臺撫唐景崧致總署詢已否與法使立約保臺祈示電

十一日

使俄許景澄致總署報與俄使商阻換約情形電

十一日

全權大臣李鴻章致總署聞日已允除旅順外交還遼東電

十二日

全權大臣李鴻章致總署俄國有鐵甲快艦等到煙電十二日

江督劉坤一奏和戰大局宗社攸關宜早權至計電附旨十二日

陝藩張汝梅奏日人要挾太甚割地賠款均不可從摺十三日

裕祿唐仁廉致軍務處請旨飭劉坤一長順分紮新民廳俾得全力

進攻電十三日

江督劉坤一致張蔭桓請約法俄德酌許分地給款代我擊日電十

四日

甘督楊昌濬致總署聞中日和約各條可痛李鴻章老悖草率畫押

想朝廷必有斟酌電十四日

使英龔照璦致總署報法合俄德爭退遼東全境電十四日

臺撫唐景崧致總署臺灣變在俄頃請商法輪速來電十四日

江督劉坤一致軍務處據徐慶璋等請兵進剿電十四日

全權大臣李鴻章致總署日已遵俄法德相勸不據遼地請速換約
並據伍廷芳報換約日期電二件十五日

全權大臣李鴻章致總署龔使電英勸日勿與二國爲難電十五日

全權大臣李鴻章致總署報和約已定伊東赴旅順電十五日

換約大臣伍廷芳聯芳致總署遵旨與日使換約並日使送還照會

三件電二件附旨十五日

全權大臣李鴻章致總署聞法廷欲制臺澎日軍電十五日

江督劉坤一致總署聞日由灤河登岸擬暫駐唐山認真整備電十

五日

使俄許景澄致總署俄商法德與日廷議歸地約電 附旨十五日

晉撫胡聘之奏請飭另議和約速籌戰守以固人心摺十五日

旨中日已換約着劉坤一等飭各軍不得越界生釁電十五日

旨寄許景澄龔照瑗三國爭回全遼着傳旨致謝電二件十五日

吉林將軍恩澤致總署日奸細在海參崴繪俄礮臺圖被獲收禁並

俄已擊毀日船電十五日

甘督楊昌濬致軍務處中日和成請飭西軍回甘電十五日

臺撫唐景崧致總署請聯合各國公保臺灣電十五日

清季外交史料卷一百十一

黃巖弢夫王彥威輯

男希隱亮編

孫孝章敬立校

全權大臣李鴻章致總署緩准日約各國外部未明言
難爲確據仍宜暫行批換電

欽奉初六寄諭三國勸暫緩批准現在爲期更促爲我自計究以明告
日本爲妥三國諒不能藉口着即妥籌覆奏等因竊聞三國勸緩批准
各外部並未明言似難援爲確據若逕告日本恐彼藉口責我反約蓋
停戰第二款兩國不允批准即將此約作爲廢紙云云約既廢止立即

決裂三國各行已志未肯助攻轉無從商改若暫行批換我仍可與三國互商敬求妥慎籌辦至初五電旨業於初六申刻電覆查臺省所引公法會通第二百二十六章其註解甚詳晰而未引全似斷章取義且私家著述援以折日亦必不理臺民强悍不服情形鴻於三月十六二十一問答時已詳切言之彼竟悍然不顧今既遠隔實欲挽回而不能請代奏 四月初八日

道員易順鼎奏醜虜跳梁不宜遷就權奸誤國不可姑

容請罷和議疏

都察院代遞道員易順鼎奏爲醜虜跳梁不宜遷就權奸誤國不可姑容事竊臣風聞出使日本全權大臣李鴻章電奏稱日船廿餘艘將出

廣島若不定約即將犯京請割遼東臺灣兩地予日並賠兵費二萬萬
爲保京計不得不然業經定約畫押等語此外條款不一而足人言嘖
嘖似非無因微臣迫於杞憂未敢緘默謹就見聞所及不避斧鉞披瀝
陳之溯自咸豐同治以來中國與外國凡三次用兵一曰咸豐十年庚
申之役一曰光緒六年庚辰之役一曰光緒十年甲申之役而庚申一
役尤爲我朝絕要關鍵其時髮捻縱橫寔區鼎沸天下岌岌不可終日
而海外各國亦復同時生釁英法合從兵臨城下僧格林沁敗於津沽
北塘勝保退於朝陽門八里橋曾國藩胡林翼諸人勤王之師緩不濟
急敵騎長驅直入京師不守宗社幾危時勢之難殆有百倍於今日者
假使各國要求土地恐不能不聽客所爲乃當日講和不過立約通商

稍償兵費而已初未聞割尺寸之土也至若庚辰之役俄據伊犁邊境僅一二百餘里使臣業已擅許而疆臣左宗棠等堅欲索還抗兵相加大局幾將決裂然不久即和僅償款數百萬盧布而已不惟未割地且並伊犁亦索回也甲申之役法取越南攻寧波擾臺灣陷馬江沿海戒嚴天下騷動滇粵邊防戰事之棘不亞今日然不過讓以越南而已未嘗於越南之外更有所予也試執今日之事與昔日之事相衡敵雖強未必出於英法俄之上事勢雖急未至於庚申之危彼不過虛聲恫嚇肆意要求我即稍緩須臾與之再決一戰再遲數日而後定議未嘗不可即不然償以兵費數百萬亦未嘗不可即不然許其比照各國在江海口通商開設碼頭亦未嘗不可而皆不出此賠款至數千萬猶以爲

未足竟舉腹心根本膏腴要害一二千餘里之地開門而延寇拱手以與人何其畏日人甚於畏英俄法諸大邦重遼東臺灣反不如重新疆伊犁及滇粵荒徼之地也哉伏思割地一事尤爲萬不可行以理之是非論其不可有三以勢之利害言其不可有六祖宗創業於前子孫守成於後非若自我得之者可以自我失之試思太祖高皇帝太宗文皇帝之締造遼東世祖章皇帝聖祖仁皇帝之經營臺灣取之旣如此其難棄之何忍如此其易矧陪京密邇陵寢猶存坐使長陵坏土自我而變爲邊界皇太后皇上將如列祖何此理之不可者一自有本朝未聞割地予人之事自有中國未聞以重地要地割予海外島國之事玉斧劃河珠崖棄郡若非甌脫即係石田豈有臥榻之旁供人鼾睡書於史

冊辱甚燕雲坐使赤縣神州自我而淪於異域皇太后皇上將如後世史書何此理之不可者二遼東臺灣之民或本從龍或由向化二百餘年食毛踐土芸芸赤子孰非我國家之孝子順孫今乃屬之他人儼成敵國父母雖窮尙不忍輕鬻其子國家未蹙獨何忍遽棄其民坐使海隅蒼生自我而化爲他族皇太后皇上將如天下百姓何此理之不可者三遼東者北洋之藩籬臺灣者南洋之門戶今日無遼東明日即可無北洋今日無臺灣明日即可無南洋天下畏盜之人必求遠盜未有揖盜於門內而求其不發篋探囊者天下畏虎之人必求遠虎未有納虎於室中而冀其不磨牙吮血者行見奉錦登萊一帶不復能立錫江浙閩粵各疆不復能安枕海口海面皆非我有餉械無以接濟而海運

即窮戰守無從布置而海防又立窮中國將來必無可辦之洋務此勢之不可者一英法垂涎臺灣俄人蓄謀遼東豈伊朝夕況各國狡焉思逞之計貪得無厭之懷誰不欲拓境開疆因時取利今見日人以一舉手一啟口之勞而得地如此之多獲利如此之厚雖云無故亦必生心倚羣起效尤則中國雖大恐一日之間可以瓜剖立盡然此猶他國也卽以日事驗之同治十一年彼因琉球難民爲生番所殺藉端挑釁兵抵臺灣當時大吏不能折之以理怵之以威反以數十萬金賠款了局彼見中國易與始漸輕視中國而謀益迫勢益驕推其得隴望蜀之情曾何紀極此日之厲階旣皆由於昔他時之慾壑恐更甚於今中國將來必無可存之地此勢之不可者二自軍務平定後謀臣猛士多就彫

零千百之中僅存什一此次徵求宿將招集舊部士馬精壯已有可觀乃甫聚之又將令之散既散恐不可復聚且所練之新軍糜費幾何練成而不用待用之時又須臨時另練所購之新械勞費幾何購齊而不用待用之時又須臨時另購今日尙不能戰以後豈復有能戰之時再閱數年一有緩急求如今日之將與兵且不可得宿將舊部消亡既盡新募者未經戰事難當大敵中國將來必無可用之兵此勢之不可者三賠款至二萬萬之多不知從何搜括又不知搜括淨盡之後尙有應辦之役必需之款何所取資夫使賠款既交而我可不作一事彼可相安十年猶之可也正恐我之防務仍不能不辦兵餉仍不能不需鐵路仍不能不設入款則有減無增出款則有增無減意外之舉尙不暇論

而彼則一波未平一波又起前款未清後款又來以斯民有盡之脂膏填彼族無窮之谿壑剜肉補瘡肉將盡而瘡更劇抱薪救火薪愈積而火更燃中國將來必無可籌之餉此勢之不可者四長白鴨綠爲祖宗發祥鍾靈之地黑龍江吉林等省爲國家植根歸宿之區地利最多民氣亦厚當此強鄰環伺正宜乘時經略加意保全較之臺灣尤關緊要一旦遼東爲日所有則俄自北侵日從南襲不數年內其民與地皆將折而入於俄與日東三省全境之危亡可立而待且京外八旗人民既不謀生又不習鬪一朝有事而東三省已不能歸退則爲日寇所草菅進則爲亂民所蹂躪中國將來必無可保之旗民此勢之不可者五臺灣一省饒富著稱文教振興更已變椎結爲衣冠進侏儒於禮樂其士